

晉記卷十一

志

蕭山郭倫撰

輿服志

昔者聖人見禽獸之容草木之英華始制衣冠見秋蓬孤轉杓觶旁建乃作車輪書曰明試以功車服以庸輿服之興尚矣哉而功崇者飾彌煥德盛者服彌尊故高旗有日月之象式視有威儀之選衣兼鞞珮衡載鳴和非特以嚴上下亦所以閑邪僻養德性也周制六服之冕五時之路正名辨物以彰王度以同風俗孔子曰惟名與器不可以假人差等蓋若斯之

嚴也。逮禮業雕訛，人情馳爽，禮樂征伐，自諸侯出，以致豪傑不經，庶人干典，影鵠冠於鄭伯之門，躡珠履於春申之第，憲度淪亡，周社用墟。及秦皇并六國，豐貂東至，獬豸南來，有元旗阜旒之制，旄頭罕車之飾，寫九王之廷於咸陽，車輿之采，各樹其文，事不師古，以金根爲帝軫，衮元爲祭服，先王之法物，掃地盡矣。高帝入關，亦因秦制，西京二百餘年，猶未能有所制立。中興之後，明帝始採周官禮記、尚書及諸儒記說，更定典章。天子車乘冠服，從歐陽氏；公卿以下，從小夏侯氏。制天子三公九卿特進之服，凡侍祠天地

明堂皆服旒冕。兼五冕之制。服則天子十二章。三公諸侯用山龍九章。九卿以下華蟲七章。皆具五采。而魏明帝以公卿袞衣黼黻之飾。疑於至尊。多所減損。天子服刺繡文。公卿服織成文。世祖武皇帝開典午之基。受終之禮。遵魏故事。雖不皆先王之典。然據其儀度。亦一朝之制也。然晉氏金行。而服色尚赤。君子疑之。區夏初造。萬物權輿。而貴戚驕侈。護軍羊琇輒乘羊車。石崇蒼頭皆衣火浣。上下之無別。何其甚哉。驕侈之興。必多僭竊。僭竊之後。必有亂亡。至江左而舊章殘缺矣。嗚呼。此聖人之所以必杜其漸也。

天子之法車曰玉金象革木是爲五路。皆朱班漆輪。畫爲欂文三十幅。法月之數。重轂貳轄。以赤油。廣八寸。長三尺。注地繫兩軸頭。謂之飛軫。金薄繆龍之爲輿。倚較較重爲文獸。伏軾龍首銜軛。左右吉陽。簫鸞雀立。衡欂文。畫轅及幡青蓋黃爲裏。謂之黃屋。金華施橑。朱橑二十八以象宿。兩箱之後皆玳瑁爲鷗翅。加以金銀雕飾。故世人亦謂之金鷗車。斜注旂旗於車之左。又加檠戟於車之右。皆橐而施之。檠戟韜以黼繡。上爲弣字。繫大蛙蟆。幡軛長丈餘於戟之杪。以鼂牛尾大如斗。置左駢馬軛上。是爲左纛。轅皆曲向。

上玉、金、象三路。各以其物飾車。因以爲名。革者漆革。木者漆木。其制玉路最尊。建太常十有二旒。九軻。委地。畫日月升龍。以祀天。金路。建大旂九旒。以會萬國之賓。亦以賜上公及王子母弟。象路。建大赤。通赤無畫。所以視朝。亦以賜諸侯。革路。建太白。以卽戎兵事。亦以賜四鎮諸侯。木路。建大麾。以田獵。其麾色黑。亦以賜蕃國。玉路。駕六黑馬。餘四路皆駕四馬。馬竝以黃金爲文髦。插以翟尾。象鹿而鏤錫。錫在馬面所黃金爲文髦。插以翟尾。象鹿而鏤錫。謂當顙者也金金髮謂以金髮爲文旄以鐵爲之其大三髮而方鈇。寸中央兩頭高如山形貫中以翟尾而結之。著之繁纓赤罽。易其金就十有二。胸前形如索羣五路。

皆有錫鸞之象。和鈴之響。鈎膺玉璫。

鈎膺，即繁纓。璫，馬帶玦名也。

龍輶華轡。

輶，車轅也。頭爲龍象。轡，謂車衡上環受鸞者也。

朱幘。

幘，飾也。人君以朱纏鑣扇

汗以爲飾。

法駕行，則五路各有所主，不俱出。臨軒大會，則

陳乘輿車輦旌鼓於其殿庭。

車坐乘者謂之安車。倚乘者謂之立車。亦謂之高車。

周禮惟王后有安車。王亦無之。自漢以來，制乘輿乃

有之。有青赤黃白黑立車。安車合十乘，名爲五時車。

俗謂之五帝車。天子所御則駕六。其餘竝駕四。建旂

十有二。各如車色。立車則正豎其旂。安車則斜注駕

馬。馬亦各隨五時之色。白馬則朱其鬣尾。左右駢驂。

金叟鏤錫。黃屋左纛。如金根之制。行則從後。五牛旗。平吳後所造。以五牛建旗車。設五牛。青赤在左。黃在

中。白黑在右。

豎旗於牛背行。則使人輿之。

金根車。駕四馬。不建旗幟。其上如畫輪車。下猶金根之飾。

耕根車。駕四馬。建赤旗十有二旒。天子親耕所乘者也。置耒耜於軾上。一名芝車。一名三蓋車。泰始二年。金根耕根車。竝建赤旗。御出卽乘之。

戎車。駕四馬。天子親戎所乘者也。載金鼓羽旗幢翳。置弩於軾上。其建矛麾悉斜注。

晉書 卷十一 六
獵車。駕四馬。天子校獵所乘也。重輜漫輪。繆龍繞之。
一名闕戟。一名蹋猪。魏文改名蹋虎車。

遊車。九乘。駕四。先驅之乘是也。

雲罕車。駕四。

皮軒車。駕四。以虎皮爲軒。

鸞旗車。駕四。先輅所載也。鸞旗者。謂析羽旄而編之。
列繫幢傍也。

建華車。駕四。凡二乘。行則分居左右。

輕車。駕二。古之獸車也。前後三十乘。分居左右。輿輪。
洞朱。不巾。不蓋。建矛戟麾幢。置弩箠於軾上。大駕法。

駕出。射聲校尉司馬吏士戰士載以次屬車。

司南車一名指南。駕四。其下制如樓三級。四角金龍銜羽葆。刻木爲人衣羽衣立車上。車雖回運而手常指南。大駕出爲先啓之乘。

記里鼓車。駕四。形制如司南。其中有木人執槌向鼓一里一槌。

羊車一名輦車。其上如輶。伏兔箱。漆畫輪輓。羊琇輒乘羊車。司隸劉毅糾劾其罪。

畫輪車。駕牛。以綵漆畫輪轂。上起四夾杖。左右開四望。綠油幢。朱絲絡。青交路。其上形制事事如輦。其下

猶如犢車。古之貴者不乘牛車。漢武時諸侯寡弱貧者至乘牛車。其後稍見貴之。自靈獻以來天子至士遂以爲常乘。至尊出朝堂舉哀則乘之。

屬車一曰副車。曰貳車。曰左車。漢承秦制大駕屬車八十一乘。行則中央左右分爲行。

法駕屬車三十六乘。最後車懸豹尾。豹尾以前比之省中屬車。皆阜蓋朱裏。

御衣車。御書車。御輅車。御藥車。皆駕牛。

陽遂四望。總窻阜輪。小形車。駕牛。

象車。漢鹵簿最在前。武帝平吳後南越獻馴象。詔作

大車駕之。以載黃門鼓吹數十人。使越人騎之。先正大會。駕象入庭。

中朝大駕鹵簿

先象車。鼓吹一部十三人。中道。次靜室令。駕一中道。式道候二人。駕一分左右。次洛陽尉二人。騎分左右。次洛陽亭長九人。赤車。駕一分三道。各吹正二人引。次洛陽令。阜車。駕一中道。次河南中部掾。中道。河橋掾在左。功曹史在右。竝駕一。次河南尹。駕駟。戟吏六人。次河南主簿。駕一中道。次河南主記。駕一中道。次司隸部。河南從事。中道。都部

從事居左。別駕從事居右。竝駕一。次司隸校尉。駕三戟吏八人。次司隸主簿。駕一中道。次司隸主記。駕一中道。次廷尉明法掾。中道。五官掾居左。功曹史居右。竝駕一。次廷尉卿。駕駟戟吏六人。次廷尉主簿主記。竝駕一。在左。太僕引從如廷尉。在中。宗正引從如廷尉。在右。次太常。駕駟中道。戟吏六人。太常外部掾居左。五官掾功曹史居右。竝駕一。次光祿。引從中道。太常主簿主記居左。衛尉引從居右。竝駕一。次太尉外督令史。駕一中道。次西東賊倉戶等曹屬。竝駕一。引從。次太尉。駕駟中道。太

尉主簿舍人各一人。祭酒二人。竝駕一在左。次司徒引從駕駟中道。次司空引從駕駟中道。三公騎令史戟各八人。鼓吹各一部。七人。次中護軍中道。駕駟。鹵簿左右各二行。戟楯在外。弓矢在內。鼓吹一部。七人。次步兵校尉在左。長水校尉在右。竝駕一各鹵簿左右二行。戟楯在外。刀楯在內。鼓吹各一部。七人。次射聲校尉在左。翊軍校尉在右。竝駕一各鹵簿左右各二行。戟楯在外。刀楯在內。鼓吹各一部。七人。次驍騎將軍在左。游擊將軍在右。竝駕一皆鹵簿左右引各二行。戟楯在外。刀楯在內。鼓吹各一

部七人。騎隊五在左。五在右。隊各五十匹。命中督
二人分領。左右各有戟吏二人。麾幢獨揭鼓在隊前。
次左將軍在左。前將軍在右。竝駕一。皆鹵簿。左右
各二行。戟楯在外。刀楯在內。鼓吹各一部七人。次
黃門麾騎中道。次黃門前部鼓吹。左右各一部十
三人。駕駟八校尉。佐仗左右各四行。外大戟楯。次
九尺楯。次弓矢。次弩。竝熊渠飲飛督領之。次司
南車。駕駟中道。護駕御史騎夾左右。次謁者僕
射。駕駟中道。次御史中丞。駕一中道。次虎賁中
郎將騎中道。次九游車中道。武剛車夾左右。竝駕

駟。次雲罕車。駕駟中道。次闕戟車。駕駟中道。長戟邪偃向後。次皮軒車。駕駟中道。次鸞旗車。中道。建華車。分左右。竝駕駟。次護軍尙書郎三人。都官郎中道。駕部在左。中兵在右。竝騎。又有護駕尙書一人。騎。督攝前後無常。次相風中道。次司馬督。在前中道。左右各司馬史三人。引仗。左右各六行。外大戟楯二行。次九尺楯。次刀楯。次弓矢。次弩。次五時車。左右有遮列騎。次典兵中郎中道。督攝前卻無常。左殿中御史。右殿中監。竝騎。次高蓋中道。左畢右罕。次御史中道。左右節郎各四

人。次華蓋中道。次殿中司馬中道。殿中都尉在左。殿中校尉在右。左右各四行。細楯一行在弩內。又殿中司馬一行。殿中都尉一行。殿中校尉一行。次搥鼓中道。皇帝御金根車。駕六馬中道。太僕卿。大將軍。參乘。左右又各增三行。爲九行。司馬史九人。引大戟楯二行。九尺楯一行。刀楯一行。由基一行。細弩一行。跡禽一行。椎斧一行。力人。刀楯一行。連細楯。殿中司馬。殿中都尉。殿中校尉。爲左右各十二行。金根車。建青旗十二。左將軍騎在左。右將軍騎在右。殿中將軍持鑿臙斧夾車。車後衣書主職步從。

六行。合左右三十二行。次曲華蓋中道。侍中散騎常侍黃門侍郎竝騎分左右。次黃鉞車駕一在左。御麾騎在右。次相風中道。次中書監騎左。祕書監騎右。次殿中御史騎左。殿中監騎右。次五牛旗。赤青在左。黃在中。白黑在右。次大輦中道。太官令丞在左。太醫令丞在右。次金根車。駕駟。不建旗。次青立車。次青安車。次赤立車。次赤安車。次黃立車。次黃安車。次白立車。次白安車。次黑立車。次黑安車。合十乘。竝駕駟。建旗十二如車色。立車正豎旗。安車邪拖之。次蹋猪車。駕駟。